



DORUUL A RUOLL EL SUOBEL.

A ruoll el suobel a sebechel ngosuir a ngalek er a skuul el mesuub e dirrek el ngosuir a chedam me a chedil me te mo uldimukl er a skulel a ngelekir. A chedam me a chedil se el lochotii a klemeriar el reng er tir er a subebel a ngelekir, e ng ngar er ngii a kmal klou a belkul el suobel el losisecheklii — a chomesuub a sebechel el mo omisiroi e klou a belkul.

A rengakel el meruul a subelir er a blirir a blechoel el ungil er a skuul. Se el loreal el mo er bab el skuul a ngalek e a homework a lmuut el kmal mo klou a ultutelel er a ungil skulel a ngalek.

A resensei a ngar er ngii a betok el uchul e te omesterir a ruoll el suobel a rengalek. A ruoll el suobel a sebechel ngosuterir a rengalek el:

- Melasem a subelir el siluub er a skuul;
- mo kldmokl el kirel a klukuk;
- mo sebecherir el louspech a library me a encyclopedia; e
- mo sebecherir el suub a tekoi el diak a temir el suub er a skuul.

A ruoll el suobel a sebechel el ngosu terir a rengalek el suub a ungil kse ma blekeradel. Ng sebechel losisechekltrir a rengalek el di mo tir el oureor e mekdubech a ultebechel me a bekengerachel el reng er tir.

EUA EL TEKOI EL SEBECHEM EL REMUUL EL MO NGOSUIR A NGELEKEM EL REMUUL A SUBELEL ER A SKUUL.

1. Mochotii el kmo skuul me a ruoll el suobel a meklou a belkul. A rengalek a blechoel el semeriar el meruul a su belir a lsekum a chedam ma chedil a sorir a lemeruul.

- Moterkeklii a taem el loruul a subelex a ngelekem. A ungil taem se el taem el ungil er a ngelekem me a ongalek er kau.
- Msiekii a basio el diak a kmal cherrodech er ngii e mellomes el lebo losuub er ngii a ngelekem. A tebel a kmal ungil. A tebel er a blengur me a lechuub a ngii di el tebel el ngara er chesel a blai a di ungil.
- Mokodir a TV me bo el sebechel a ngelekem el ungil omdasu a su belel. Ng dirrek el mterob a dengua me lak longesang er a ngelekem er se el temel a omesuub. A lsekum me klou a cherodech er a blai e besterir a urrerir tirke el bebil me loruul e lak longerodech er se el temel a omesuub. A lengar er ngii a remekekerel el ngalek e mngitirerir el mo er rikl me a lechub a ta er a basio me lak longesang er a ngalek el mesuub.
- Msiik a hong me a oluches me a kuk di ngodech el klalo el louspech a ngelekem el mesuub. Mouchais er a sensei me a lechub a counselor er a skuul me a lechub a merreder er a skuul a lsekum ke ouspech a ngeseu el kirel aika el klokkel a ngelekem.
- Bo blechoel el menguiiu e moluches me bo loukerbai er kau a ngelekem. A ngelekem a



sebechel suub a meklou a ultutlel el tekoi el di omes er kau. Morrimel a ungil suobel er a skuul. Bsa a urrelex a ngelekem el ngii a mo osisecheklii al mo bekengerachel.

- Monguiiu el mo er a kekerei el ngelekem. A omenguiiu a rullii a ngelekem el mo semeriar el menguiiu el mo uchul e ng mo kse er ngii er a klengar er ngii.
- Mnguu a ngelekem el mo er a library e mngesuir el smiik a hong el bo louspech el meruul a subelex er a skuul. Mchadecheduch el kirel a ngii di el tekoi me a suobel er a skuul. Bom kerekikl el ngar er a tekoi er a skuul el ua miting er a PTA me a klekoel.


2. Momes a urrelex a ngelekem er a skuul. Ng di ultuil er a rekil me a ngeseu me a urrelex a ngelekem er a skuul e ng mo sebechem el mo meduch el omes a urrelex a ngelekem.



- Moker a soal a sensei el kirel a ngelekem. Se el kot el omuchel a skuul e mkerir a sensei er a ngelekem el kmo ng ua ngera a chobo molengeseu er a ngelekem er a subelex er skuul. A bebil er a sensei a di sorir a le rrekuu a subelir a rengalek e merekong. A rebebir er a sensei a sorir a rechedam me a rechedil a leues a subelir a rengelekir e loholt aike el cheleuid er ngii.
- Mesang el kmo a subelex a ngelekem a bla lomuchel el meruul e oltirakl a temel. A lsekum me ng dimlak ngar er a blai e ng mo merek el remuul a subelex a ngalekem e ng kirem el mes se el omei er a blai.
- Bo molengeasek a osengel a TV me a kuk di ngodech el urreor. Ng oumesingd el blai el kesai a osengel a TV er ngii a betok el suobel a mesuub er ngii. Momes me a omesuub el chelitakl me a basketball lak lengai a klou el temel a ngalekem. A lsekum ma ngelekem a diak el rruul a subelex e ng mocha kirel el

chemoit aika el tekoi.

3. Mongitikaik er a ngelekem. A kot el llechul a ruoll el suobel a kmo “Lak moruul a subelex a ngelekem. Ng diak el subelem — ng subelex a ngelekem.” Aikakid a bebil er a tekoi el sebechem el remuul el ngosuir a ngelekem.



- Msubii el kmo ng ngera el teletael a louspech er ngii a ngelekem a losuub. Se el bo mod-engelii e ng mo beot er kau a ngosuir a ngelekem. A olechotel: A lsekum a ngelekem a ungil suub a subelex a lemes a siasing e moluches a siasing me a lechub a chart se el molisechakl er a ngelekem. A lsekum a ngelekem a ungil a suub a subelex a lorutech a klalo e a teliud al ringo a sebechel losisecheklii a ngelekem er a terrakl e klalo (fraction). A lsekum me ng dirkak mudesuii tia el teletael er a omesuub e bo momes er a ngelekem a losuub. A leko er a rrau a rengum e moker er a sensei.
- Morrimel a ungil el kse er a omesuub. A ngelekem a kirel remuul a blechebechel a temel a omesubel me ng mo klou a temel meruul a ruoll el subelex e di ngii el melasm el melai a skeng er a bliil er a uchei er a bo lolai er a skeng. A lsekum me ng ngar er ngii a report el loruul er ngii e bo morrimel er ngii me bo lou sbech er a library.



- Modengesii a ngelekem. A remeklou el chad me a rengalek a dirrek el sorir el modanges se el rellii a ungil urroer. A lsekum a ngelekem a dimlak el rellii a ungil el ureor e msbedii el mo ungil me bo el sebechel el remuul el mo ungil.

4. Mongedecheduch er a rechad er a skuul a lsekum me ng mo er ngii a mondai. A lsekum me ng mo er ngii a mondai er a suobel el ruoll e ng kirir a rebek el chad el mo oureor el ku dmeklii — a skuul me a sensei me a chedam me a chedil me a rengalek.

- Momekedong me a lechub e bo mesa a sensei. Bo mesa a sensei er a ngelekem a lsekum a ngelekem a chetil meruul a ike el ruoll el suobel me a lechub a diak el lodengei el kmo mekera a loruul a ruoll el subelex me a lechub e kau a diak el sebechem el ngosuir a ngelekem er a subelex.
- Bo moumerang el kmo a skuul me a sensei a kmal sorir el lolengeseu er kau me a ngelekem. Bo mdak el oureor el kudmokl a ruoll me a lechub e mkesadel a mondai er a ruoll el suobel. A kakerous el mondiaa kakerous a rolex a doruul. A olechotel:
- A ngelekem ng blechoel el diak el ruul a subelex el oltirakl a temel. A ltang metitur el mesuub me ng ouspech a ngeso er a ungil blechebechel a temel a omesuub.
- A ruoll el suobel ng kmal meringel? A lta a ngekelem a mla mo betok el subelex a dirkak el ruul me ng ouspech a tokubets el ngeso er a sensei me a lechub a chad el sebechel el ngosuir.
- A lta a ngelekem a mla mo mesaik a rengul er aika el ruoll el suobel? A lta ng kmal beot me a ngelekem a ouspech a telkib el meringel el mo rullii me ng mo semeriar el meruul. Me a lechub e ng ngar er ngii a ta er a rolex a omerellel a suobel el debsang me ng mo semeriar el mesuub. Bo mutebengii el kmo ng diak el rokui el suobel a lebo el semeriar a ngalekel el meruul. Ng ousesingd el sensei a sorir el omesterir a subelir a rengalek el ngii a lesemeriar el meruul me ng sebecherir el mo ungil el rukui. Te dirrek el sorir a redemerir me a rederir a llecha uldesuir er ngii.

Bo mesa sensei me a lechub a ngelekem e moterkeklii el kmo se el moktek el kirel omesubel ngelekem a oureor.

TEKOI EL MO NGOSUIR A NGALEKEM ER A SUBELEL ER A SKUUL

Bom ker ekikl el kmo a Ngelekem a Ngar er ngii:

- A chellechakl e mellomes el basio el losuub er ngii a ngelekem
- A ulterkokl el taem el losuub er ngii er a bek el sils.
- A bek el klekedel-lel er a omesuub el ua babier, oluches, me a monasasi er ngii.
- A klekedall el louspech el mangedmokl a klokkel ma urrelel er a skuul (el ua kalendar, bliil a hong, ma folder)



Ker el Moker er a Ngelekem

- Ngara subelem el ruoll er a chelchal sils ?
- A ruoll el subelem ng bleketakl ? (A lak e momekedong er a sensei er kau me a lechub a sechelim)
- Ng oingerang e kolab subelem el mo msa sensei ?
- Ke ouspech el mo er a Library me a lechub eke ouspech computer el meruul a subelem ?
- Ke ouspech a tokubets el klekedall el ua graph paper me a lechub a meklou el babier el mo meruul a subelem ?
- Ke mla omuchel meruul a ruoll el subelem kirel chelecha el sils?
- Ng kemanget a temel a subelem (el ua term paper me a lechub e ng science project)?

- Ng diak el ungil a chomluches a blechebechel me a temel a urrerem ?
- Ng diak el ngesukau a chomnguu a omelsemel a skeng ?

Bebil er a Rol el a Chomol engeseu

- Ng sebechem el omes a subelel a ngelekem e ng di diak moruul.
- Mestrir a resensei er a ngelekem e mker a llechul a subelel.
- Mues aike el uldesu el a sensei el llechukl er a subelel a ngelekem e mchadecheduch el kirel.
- Bo mesa sensei er a ngelekem a lsekum ng ngar er ngii a mondai er a subelel a ngelekem ma lechub e ng tekoi el diak el sebechem el smodii.
- Mchetengii a ngelekem er a ungil el urrelel.

Resources: This information was taken from Your Child With Homework, one of a number of publications for parents published by the U.S. Department of Education. To find out what's available and how to order, request a free Consumer Information Catalog from the Consumer Information Catalog, Pueblo, Colorado 81009.

Please feel free to reproduce this information.

U.S. Department of Education
Richard W. Riley
Secretary

Office of Educational Research and Improvement
Sharon P. Robinson
Assistant Secretary

Office of Reform Assistance and Dissemination
Ronald W. Cartwright
Acting Director

ORAD 96-1212